

## Հ Ա Շ Վ Ե Տ Վ ՈՒ Թ Յ ՈՒ Ն

2022թ. մայիսի 17-ից 20-ը Ամերիկայի Միացյալ Նահանգներ  
(ք. Նյու Յորք) կատարած գործուղման արդյունքների մասին

1. Անունը, ազգանունը՝ Արմեն Ղազարյան
2. Զբաղեցրած պաշտոնը՝ ՏԿԵՆ Միգրացիոն ծառայության պետ
3. Գործուղման վայրը և ժամկետները. 2022թ. մայիսի 17-ից 20-ը Ամերիկայի Միացյալ Նահանգներ, Նյու Յորք
4. Հրավիրող կողմը. ՄԱԿ-ի Գլխավոր ասամբլեայի նախագահ
5. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը).

Մասնակցություն Միգրացիայի դիտարկման միջազգային ֆորումին

6. Քննարկված թեմաները.

Ֆորումի ընթացքում դիտարկվում է 2018թ-ին Մարակեշում ընդունված Անվտանգ, կանոնավոր և ապահով միգրացիայի վերաբերյալ դաշնագրին միացած երկրների գրանցած առաջընթացը տվյալ դաշնագրի նպատակների իրականացման ուղղությամբ

7. Հանդիպումները, ելույթները, բարձրացված կամ քննարկված հարցերը.

Միգրացիոն ծառայության պետը ելույթ է ունեցել ֆորումի գլխավոր դեբատի շրջանակներում (ֆորումի անգլերեն տեքստը կցվում է):

Արմեն Ղազարյանը ֆորումի շրջանակում նաև երկկողմ հանդիպումներ է ունեցել, մասնավորապես՝ Ղանիայի պատվիրակության՝ ի դեմս իմիգրացիայի եւ ինտեգրացիայի նախարարության պետքարտուղարի տեղակալ Հաննե Շտիգ Անդերսենի, Նիդերլանդների արտաքին գործերի նախարարության միգրացիայի հարցերով հատուկ բանագնաց Յուստ Կլարենբեեկի և Շվեդիայի Միջազգային զարգացման համագործակցության նախարարության պետքարտուղար Ջենի Օլսոնի հետ:

Կողմերի հետ Ա. Ղազարյանը քննարկել է ինչպես ընթացիկ, այնպես էլ հնարավոր համագործակցության հարցերը, ռեադմիսիոն գործընթացները, ներկայացրել է Հայաստանում ապաստանի համակարգը, մասնավորապես նոր հատուկ կացարանի

շինարարությունը ապաստան հայցողների համար: Գործընկերները դիտարկել են Հայաստանում գործունեության շրջանակն ընդլայնելու հնարավորությունը:

Որպես միգրացիայի կառավարման ոլորտում Հայաստանի կառավարության առաջնահերթություն՝ Ղազարյանը շեշտադրել է գործընթացների թվայնացումը:

Ֆորումի մեկնարկին ընդառաջ ՄԾ պետը հանդիպում է ունեցել նաև Միգրացիայի միջազգային կազմակերպության (ՄՄԿ) գլխավոր տնօրենի՝ կառավարման և բարեփոխումների գծով տեղակալ Էմի Փոփի հետ:

Կողմերը կարևորել են երկկողմ կայուն համագործակցությունը: Ա. Ղազարյանը հատկապես բարձր է գնահատել ՄՄԿ-ի բազմաշերտ գործունեությունը, տարբեր ուղղություններով տարվող աշխատանքները, աջակցությունը Հայաստանի կառավարությանը միգրացիայի կառավարման ոլորտում բարեփոխումներին:

Միգրացիոն ծառայության պետը ներկայացրել է Հայաստանում միգրացիոն միտումների փոփոխությունները, անդրադարձել նախատեսված կառուցվածքային փոփոխություններին և ինստիտուցիոնալ բարեփոխումներին: Առանձնահատուկ շեշտվել է թվայնացման օրակարգի կարևորությունը միգրացիայի կառավարման բարեփոխումների շրջանակներում:

Էմի Փոփն ընդգծել է Հայաստանի նշանակալի առաջընթացը միգրացիայի կառավարման գործընթացում կարողությունների զարգացման համատեքստում: Նա շեշտել է, որ Հայաստանում ձևավորված մի շարք ինստիտուցիոնալ և ընթացակարգային լուծումներ, մասնավորապես վերադարձի և աշխատանքի թույլտվությունների տրամադրման ոլորտում կարող են ուսանելի լինել նաև այլ երկրների համար, ինչի ուղղությամբ ՄՄԿ-ն համապատասխան ջանքեր կգործադրի:

**8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.**

Ֆորումը քվեարկությամբ հաստատել է Առաջընթացի հռչակագիրը, որում շեշտադրվում են Մարակեշի դաշնագրի ընդունումից հետո միգրացիայի ոլորտում արձանագրված առաջընթաց քայլերը:

**9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.**

Չկան

**10. Ստորագրությունը, ամսաթիվը:**

24.05.2022

